

**Siunnersuut uunga: Kalaallit Nunaanni angallannermut inatsisip allannguutaa (nunap isikkua eqqarsaatigalugu sumiiffiinni biilinut oqinnerusunut, biilinillu taakkunanga aquttunut niaqqumut illersuuteqarnissamut piumasaqaat) pillugu Namminersorlutik Oqartussat akuersinissaat pillugu Inatsisartut aalajangiiffigisassaattut siunnersuut** (Ineqarnermut, Attaveqaasersuutinut, Isorliunerusunut Upalungaarsimanermullu Naalakkersuisoq)

Aamma

**Uunga siunnersuut: Kalaallit Nunaannut angallannermut inatsisip allangortinneqarnissaanut inatsit (Kalaallit Nunaanni misissuisarnermik aqqissuussinermik pilersitsineq) pillugu Namminersorlutik Oqartussat akuersinissaat pillugu Inatsisartut aalajangiiffigisassaattut siunnersuut** (Ineqarnermut, Attaveqaasersuutinut, Isorliunerusunut Upalungaarsimanermullu Naalakkersuisoq)

### **Aappassaaneerinnineq**

Siunnersuutit aappassaaneerneranni Naleqqamiit imatut oqaaseqarfigissuarput.

Naleqqamiit oqaatigissavarput siunnersuutip anguniagai pingaaruteqarluinnartut: nunaqarfinni mikinerusunu isorliunerusunilu innuttaasut ulluinnarni ingerlasinnaanerannik pitsanngorsaaneq, assartuinermi periarfissat annertusarneqarnissaat, aammalu inuussutissarsiortut sulisussarsiorsinnaanerannik pitsaanerulersitsinissamut siunertaqartut Naleqqamiit tapersersortaratsigit.

Taamaattumik malittarisassat eqaannerusut tapersersorpagut, tassami nunaqarfinni allagartartaarnissamut periarfissat killeqarnerat piviusoq tassaavoq, aammalu innuttaasut pisariaqartitaat naapertorlugit naleqqussaaniisaq pisariaqarluinnarpoq. Tamatuma peqatigisaanik Naleqqamiit erseqqissumik oqaatigissavarput isumannaallisaanermi piumasaqaatit, soorlu niaqorornaveeqqutit, pingaaruteqarluinnartut.

Ingerlasinnaanerup eqaannerulernera isumannaallisaanermik sanilliullugu appasinnerulersitsissanngilaq.

Taamaattumik siunnersuutip akuersissutigineqarnissaa Naleqqamiit tapersersorparput, innuttaasunut iluaqutaasumik, Nunaqarfimmiuppata Illoqarfiillu mikinerusut siunnerfigineqartut pineqarpata. Naleqqamiit oqaatigissavarput qamutit assakaasullit amerliartuinnartut eqqarsaatigalugit nakkutilliinermut aqqissuussineq nutaaq pisariaqartinneqarluinnarpoq.



Aqquserngit sinaanni unitsitsilluni misissuisarnejq tassaavoq Kalaallit Nunaanni pissutsinut naleqqunnerusumik periuseq, aammalu nuna tamakkerlugu nakkutilliinerup assigiinnerusumik ingerlanneqarnissaa qulakkiissavaa.

Taamaattumik siunnersuutip siunertaa, qamutit teknikkikkut isumannaatsuunissaannik qulakkeerinninnissaq Naleqqap politikianut naleqquppoq. Isumannaallisaanermi pitsanngorsaaneq siunissami ajutoortarnerit ikilisissavai, taamaalillunilu inuiaqatigiinnut aningaasartuutaasartut appariartorlutik.

Piffiit assigiingitsut sineriak tamaat pineqarnera sineriammilu tamani peqataatitsinissaq aamma pingaaruteqartoq Naleqqamiit oqaatigissavarput, tassami najukkani pissutsit assigiinngitsut eqqarsaatigalugit aaqqissuussineq piviusunut naleqqussagaassaaq, uani pineqartuni Illoqarfiit anginerit tallimat ilaatinneqanngillat erseqqissaatigilaassooq.

Siunnersuut taama isikkoqartillugu akuersissutigineqarnissaa Naleqqamiit inassutigaarput